

ÚTHLUTUN UPPBYGGINGARSJÓÐS NORÐURLANDS EYSTRA

2023



SÓKNARÁÆTLUN
NORÐURLANDS EYSTRA



SSNE

Samtök sveitarfélaga & atvinnuþróunar
á Norðurlandi eystra

TAKTU ÞÁTT Í NÝRRI SÓKN

Í ár er níunda árið sem við veitum styrki úr Uppbyggingarsjóði Norðurlands eystra, en Uppbyggingarsjóður er samkeppnissjóður sem er hluti af Sóknaráætlun Norðurlands eystra og hefur það hlutverk að styrkja verkefni sem falla að sóknaráætluninni.

Í stuttu máli má segja að sóknaráætlanir landshluta séu stefna landshlutanna til framtíðar. Sóknaráætlanir hafa þannig það að markmiði að auka samkeppnishæfni, treysta stoðir menningar og stuðla að jákvæðri samfélags- og byggðaþróun. Landshlutasamtök sveitarfélaga annast framkvæmd sóknaráætlana sem byggja á fimm ára samningum við ríkið. Ásamt svæðisbundnum áherslum taka þær jafnframt mið af annarri opinberri stefnumótun, svo sem byggðaáætlun, loftslagsstefnu og heimsmarkmiðum Sameinuðu þjóðanna.

Áhersla Sóknaráætlunar Norðurlands eystra til ársins 2024 er á atvinnu- og nýsköpun, umhverfismál og menningu sem svo eðlilega endurspeglast í áherslum uppbyggingarsjóðsins. Finna má núgildandi Sóknaráætlun Norðurlands eystra á heimasíðu SSNE – www.ssne.is.

Áhersla er lögð á að sóknaráætlanir landshlutanna séu gerðar í opnu samráðsferli og að stefnumörkunin byggist á þekkingu og vilja heimafélks. Á heimasíðu SSNE má jafnframt finna hlekk þar sem hægt er að skrá sig í samráðsvettvang Sóknaráætlunar Norðurlands eystra. Ég vil nýta tækifærið til að hvetja öll til að taka þátt í mótun næstu áætlunar, en vinna við hana hefst væntanlega í lok þessa árs.

Það er sérlega ánægjulegt að sjá hversu mikil gróska er í landshlutanum, en aðeins einu sinni áður hafa borist fleiri umsóknir til uppbyggingarsjóðs en í ár. Eins og sjá má á listanum yfir þau verkefni sem úthlutunarnefnd hefur valið árið 2023 eru verkefnin í ár ákaflega fjölbreytt og spennandi. Allt frá Afurðum úr úrgangi til þróunar heildarlausna fyrir nærrannsóknir í heilbrigðiskerfinu, frá Álfum, tröllum og öðrum gestum til Verksmiðjunnar á Hjalteyri. Allt eru þetta verkefni sem ég er viss um að muni hvert á sinn hátt auðga mannlíf og atvinnulíf hér á svæðinu.

Ég vil að lokum minnst á okkar góða starfsfólk, en ráðgjafar SSNE eru með fasta viðveru á Akureyri, Bakkafirði, Dalvík, Húsavík, Ólafsfirði, Siglufirði og Raufarhöfn. Allt árið um kring veitir starfsfólk ráðgjöf til fólks í atvinnurekstri, á sviði nýsköpunar og menningar, sem og ferðamála og erum við alltaf tilbúin til skrafs og ráðagerða með öllum sem hafa áhuga á uppbyggingu landshlutans til framtíðar.



Albertína Fr. Elíasdóttir
Framkvæmdastjóri SSNE

ÚTHLUTUNARNEFND OG FAGRÁÐ

Hlutverk úthlutunarnefndarinnar er að velja þau verkefni sem styrkt verða, á grundvelli faglegs mats og í takt við markmið Sóknaráætlunar Norðurlands eystra. Í úthlutunarnefnd sitja formenn fagráða SSNE auk þriggja annarra sem skipuð eru á ársþingi SSNE.

FAGRÁÐ ATVINNUÞRÓUNAR OG NÝSKÖPUNAR

Thomas Helmig, formaður fagráðs, Norðurþing
Sigríður Róbertsdóttir, Eyjafjarðarsveit
Preben Jón Pétursson, Akureyrarbær
Sigríður Vigdís Vigfúsdóttir, Fjallabyggð
Guðrún Sigríður Tryggvadóttir, Þingeyjarsveit

FAGRÁÐ MENNINGAR

Hulda Sif Hermannsdóttir, formaður fagráðs, Akureyrarbær
Anita Elefsen, Fjallabyggð
Guðni Bragason, Norðurþing
Sigurður Guðni Böðvarsson, Skútustaðahreppur
Sigríður Örvarsdóttir, Eyjafjarðarsveit

FAGRÁÐ UMHVERFISMÁLA

Ottó Elíasson, formaður fagráðs, Akureyrarbær
Guðmundur Sigurðsson, Akureyrarbær
Rut Jónsdóttir, Akureyrarbær
Salbjörg Matthíasdóttir, Norðurþing

ÚTHLUTUNARNEFND 2022-2024

Hilda Jana Gísladóttir, formaður
Thomas Helmig, formaður fagráðs atvinnuþróunar og nýsköpunar
Hulda Sif Hermannsdóttir, formaður fagráðs menningar
Ottó Elíasson, formaður fagráðs umhverfismála
Sigurður Þór Guðmundsson
Preben Jón Pétursson

FRÁ FORMANNI ÚTHLUTUNARNEFNDAR

Kæru styrkhafar og íbúar Norðurlands eystra,

Sóknaráætlun má segja að sé stefna heimafólks í landshlutanum um það hvernig við sjáum best fyrir okkur að blása til sóknar. Okkar helstu verkfæri til þess að ná að fylgja stefnu okkar er í fyrsta lagi framlag starfsmanna SSNE en einnig þeir fjármunir sem við fáum tækifæri til að leysa úr læðingi, sem fara hratt og örugglega til verkefna sem eru líkleg til þess að stuðla að þeirri sókn sem við viljum vera í. Þannig má í raun segja að fjármunirnir virki sem súrefni inn á svæðið og styður okkur öll í sókn landshlutans. Áherslur Sóknaráætlunar Norðurlands eystra felast í atvinnu- og nýsköpun, menningarmálum og umhverfis- og loftslagsmálum.

Það var sannarlega ekki einfalt verkefni sem beið úthlutunarnefndar að þessu sinni, enda bárust 172 umsóknir sem óskuðu samtals eftir styrkjum fyrir ríflega 286 m.kr. Hins vegar var það fjármagn sem var til úthlutunar 73,3 m.kr. Þetta fjármagn kemur fyrst og fremst frá tveimur ráðuneytum sem treysta okkur heimafólki til að úthluta því eins og best verður á kosið, en það eru innviðaráðuneytið og menningar- og viðskiptaráðuneytið. En þar að auki leggja sveitarfélögin fram hluta fjármagnsins.

Að sjálfsögðu er það þakkarvert að þetta fjármagn fáið og okkur heimafólki sé treyst fyrir úthlutun á því. Hins vegar er ekki annað hægt en að benda á að fjárframlög ríkisins til sóknaráætlana hefur dregist saman um 24,5%, að raunvirði, frá árinu 2019. Það munar um minna. Úthlutunarnefnd taldi fleiri verkefni en hljóta styrk í ár verðskulda stuðning og fjölmörg verkefni jafnframt verðskulda hærri styrki. Landhlutasamökin öll hafa ítrekað hvatt fleiri ráðuneyti til að leggja fjármagn í farveg sóknaráætlana og lagt þunga áherslu á að ekki sé dregið úr fjármagni til sóknaráætlana, heldur þvert á móti verði gefið í, enda alveg ljóst að í gegnum þennan farveg getur fjármagnið nýst hratt og örugglega.

Að þessu sögðu þá er vert að nefna að mikil áhersla er lögð á að farið sé með faglegum hætti yfir þær umsóknir sem berast. Ég ætla ekki að fara nákvæmlega yfir úthlutunarferlið, en get svo sannarlega upplýst að það var ekki verið að kasta til hendinni í því viðamikla verkefni. Ég vil nýta tækifærið og þakka félögum mínum í úthlutunarnefnd fyrir þeirra störf, en í henni sitja auk mín þau Hulda Sif Hermannsdóttir, Thomas Helmig, Sigurður Þór Guðmundsson, Preben Jón Pétursson og Ottó Elíasson. Auk þess sem við nutum dyggrar aðstoðar starfsmanna SSNE þá sérstaklega Hildar Halldórsdóttur, Elvu Gunnlaugsdóttur, Ara Páls Pálssonar og Díönu Jóhannsdóttur.

Í ár fá 72 verkefni styrki samtals að upphæð 73,3 m.kr. Ég trúir því að það fjármagn komi til með að nýtast vel, okkar landshluta til heilla.



Hilda Jana Gísladóttir,
Formaður úthlutunarnefndar

MIKILVÆGI UPPBYGGINGARSJÓÐS NORÐURLANDS EYSTRA

Kolefnisfrítt eldsneyti úr vistvænni orku.

Við hjá Green Fuel höfum verið að vinna að uppbyggingu á vistvænni vetnis- og ammoníaksverksmiðju á Bakka við Húsavík í langan tíma. Ástæðan fyrir því að við horfum til ammoníaks varðandi orkuskiptin á íslenska fiski- og kaupskipaflotanum er sú að ammoníak er kolefnisfrítt bæði í framleiðslu og notkun og getur því gert okkur Íslendingum kleift að selja 100% kolefnisfrían fisk.

Um mitt ár 2021 fengum við til liðs við okkur erlenda fjárfesta, fyrirtækið Atome sem er fyrsta skráða vistvæna vetnis- og ammoníaksframleiðslufyrirtækið á AIM kauphöllinni í London. Í dag eru þeir eitt af leiðandi fyrirtækjum á heimsvísu í þessum vistvæna iðnaði. Auk verkefnisins á Íslandi eru þeir með verkefni í Paraguay og Kosta Ríka.

Verkefnið á Íslandi hefur tekið lengri tíma en við gerðum ráð fyrir í upphafi. Þess vegna hafði styrkveitingin mjög jákvæð áhrif á verkefnið og var sér í lagi skýr skilaboð til okkar fjárfesta að til Green Fuel verkefnisins væri horft jákvæðum augum. Styrkurinn kom sér vel og var nýttur á móti kostnaði sem til varð við þróun verkefnisins. Þrátt fyrir lengingu á upphaflegri tímalínu þá vinnum við áfram ötullega að uppbyggingu verksmiðjunnar og stefnum á að verða með þeim fyrstu til að byggja upp og starfrækja umhverfisvæna rafeldsneytisframleiðslu á Íslandi.



Siggi Ólason, Kolefnisfrítt eldsneyti úr vistvænni orku

Fyrir ári síðan fékk ég styrk frá Uppbyggingarsjóði til þess að gera handrit að heilmildatónlistaruppistandsverkinu Móðir, kona, meyja.

Fyrir tilstilli styrksins gat ég tekið mér tíma í að safna ljóðum og heimildum íslenskra skáldkvenna, semja fleiri ljóð og klára fyrsta uppkast handritsins, sem fjallar um konur og kvenleika nú og þá. Þessa dagana er ég að vinna í útsetningu tónlistarinnar í verkinu og get ekki beðið eftir því að sýna afraksturinn, vonandi seinni hluta ársins 2024.


Uppbyggingarsjóður stuðlar að því að listafólk og frumkvöðlar geti nýtt sér sína menntun og sérþekkingu í heimabyggð og haft atvinnu af. Grasrótarstarfið er svo ómetanlega mikilvægt og það er sem dæmi alveg óvíst að Vandræðaskáld væru til ef ekki hefði verið fyrir styrk sem við Villi fengum árið 2015 fyrir skrifum og uppsetningu á verkinu Útför-saga ambáttar og skattsvikara. Einn styrkur fyrir átta árum síðan og við Vandræðaskáld lifum enn góðu lífi.

Sesselía Ólafsdóttir, Móðir, kona, meyja



TÖLFRÆÐI UMSÓKNA

FJÖLDI UMSÓKNA EFTIR TEGUND



Sérstök áhersla var lögð á umhverfispátt í yfirferð umsókna í ár en sótt var um verkefnastyrki á sviði menningar, atvinnuþróunar og nýsköpunar, sem og stofn- og rekstrarstyrki til stofnana á sviði menningar, samtals að upphæð 286.050.827 kr.

Alls bárust 172 umsóknir.

Umsóknir um stofn- og rekstrarstyrki á sviði menningar voru 20. Heildarupphæð umsókna var 51.941.827 kr., fyrir verkefni sem voru að heildarkostnaði metin á 131.869.338 kr.

Umsóknir um verkefnastyrki á sviði menningar voru 89. Sótt var um 116.149.293 kr. fyrir verkefni sem voru að heildarkostnaði metin á 308.272.110 kr.


Umsóknir um verkefnastyrki á sviði atvinnuþróunar og nýsköpunar voru 63. Sótt var um 117.959.707 kr. fyrir verkefni sem voru að heildarkostnaði metin á 268.072.478 kr.

Alls var því sótt um 286.050.827 kr. fyrir 172 verkefni sem voru í heildina metin á 708.213.926 kr.

TÖLFRÆÐI UMSÓKNA

FJÖLDI STYRKJA EFTIR TEGUND

Samtals var úthlutað 73,3 m.kr.



Til úthlutunar úr Uppbyggingarsjóði NE fyrir árið 2022 voru **samtals 73,3 m.kr.**

Alls voru 72 verkefni styrkt af 172 umsóknum, sem samsvarar 41,8% árangurshlutfalli.

12 umsóknir af 20 um stofn- og rekstrarstyrki hlutu brautargengi í ár sem samsvarar 60% árangurshlutfalli. Meðaltal þess hlutfalls sem styrkhafar hlutu, af þeirri fjárhæð sem þeir sóttu um, var 47%. Alls var styrkupphæð 13.620.000 kr.

34 umsóknir um verkefnastyrki á sviði menningar hlutu brautargengi. Árangurshlutfall umsækjenda í þennan flokk var 38,2%, eða 34 af 89 umsóknum. Meðaltal þess hlutfalls sem styrkhafar hlutu, af þeirri fjárhæð sem þeir sóttu um, var 64%. Alls var styrkupphæð 30.035.150 kr.

26 umsóknir um verkefnastyrki á sviði atvinnuþróunar og nýsköpunar hlutu brautargengi. Árangurshlutfall umsækjenda í þennan flokk var 41%, eða 26 af 63 umsóknum. Meðaltal þess hlutfalls sem styrkhafar hlutu, af þeirri fjárhæð sem þeir sóttu um, var 53%. Alls var styrkupphæð 29.645.600 kr.

STYRKHAFAR UPPBYGGINGARSJÓÐS NORÐURLANDS EYSTRA 2023

ATVINNUPRÓUN OG NÝSKÖPUN



UMSÆKJANDI: AMC EHF.

VERKEFNI - NANNA LÍN - TÆKNILEGAR LAUSNIR
UPPHÆÐ STYRKS 997.500 KR

Mikið magn af roði fellur til sem hliðarafurð frá sjávarútveginum og á sama tíma fyllast landfyllingar af endingarlitlum textíl. Með því að framleiða leður úr roði má leysa þessi vandamál. Roðið er endurmótað í æskilega stærð og þykkt áður en það er sútað. Þannig má nota skaddað roð og afskurð, svo úr verður ný tegund af textíl. Með þessari nýju aðferð má framleiða stóra fleti af roðleðri, auka nýtingu hliðarafurða og um leið auka verðgildi sjávarafurða.

UMSÆKJANDI: ARCTIC THERAPEUTICS EHF.

VERKEFNI - ÞRÓUN HEILDARLAUSNA FYRIR NÆRRANNSÓKNIR Í HEILBRIGÐISKERFINU
UPPHÆÐ STYRKS 1.500.000 KR

Verkefnið er samstarfsverkefni á milli AT og Sjúkrahússins á Akureyri (SAK) þar sem LumiraDx nærrannsóknartæki verða kynnt á SAK og samvinna höfð um þróun á heildarlausn fyrir nærrannsóknir til eflingar á umönnun sjúklinga sjúkrahússins. Verkefnið byggist á þarfagreiningu nærrannsóknanna innan SAK, þróun verkferla, viðhalds, þjónustu og hugbúnaðar fyrir hin fjölmörgu próf sem hægt er að greina með LumiraDx tækjunum.

UMSÆKJANDI: BALDVIN STEINAR INGIMARSSON

VERKEFNI - MARKAÐSSETNING Á LÖNGU SUNDMAGA
UPPHÆÐ STYRKS 1.000.000 KR

Löngu sundmagi er afurð sem hefur ekki verið áður nýtt á Íslandi. Til framleiðslunar verður notast við íslenskt hugvit til hreinsunar og jarðhita til þurrkunar. Fyrirhuguð er samvinna við fyrirtæki í Nýja Sjálandi um sölu afurða til Asíu til að byrja með en markið sett á sölu afurða í Evrópu undir eigin merkjum þar sem áhersla verður lögð á ferskleika hráefnis og vinnsluáðferðir.

UMSÆKJANDI: BJÖRN VÍKINGUR BJÖRNSSON

VERKEFNI - LOCAL TOURS ATV
UPPHÆÐ STYRKS 1.000.000 KR

Á starfssvæði Norðurhjara vantar fjölbreytt afþreyingarframboð (sem og störf innan ferðaþjónustunnar) fyrir ferðamenn á heilsársgrunni. Með færanlegri fjórhjólaleigu mun svæðið í heild njóta góðs af starfseminni sem mun leggja áherslu á náttúruskoðunarferðir undir leiðsögn heimamanna. Þá verður það einnig haft að leiðarljósi að flétta menningu og matvælaframleiðslu svæðisins inn í ferðirnar eins og á við að hverju sinni. Höfuðstöðvar leigunnar koma til með að verða í Óxarfirði.

UMSÆKJANDI: EINAR HANNESSON

VERKEFNI - GÖNGUFERÐIR UM MIÐ- OG INNBÆINN MEÐ RAFRÆNNI LEIÐSÖGN
UPPHÆÐ STYRKS 1.000.000 KR

Hafnarstræti 90 á sér merka sögu og er fyrsta húsið sem hýsti KEA. Í dag eru þar reknir veitingastaðirnir Eyja og Mysa. Vegna staðsetningar og sögu hússins er tilvalið að útbúa göngutúr þaðan sem tengir sögu mið- og innbæjarins við lykt og bragð. Á Mysu og Eyju notum við eins mikið og kostur er mat úr héraði og úr náttúrunni í kringum okkur til að stuðla að sjálfbærni. Lykt- og bragðpokarnir myndu tengja sögu bæjarins við matarmenningu þar sem að fólk getur gengið, lært og notið.

UMSÆKJANDI: FERÐAFÉLAG AKUREYRAR

VERKEFNI - ÚT UM HOLT OG HÆÐIR
UPPHÆÐ STYRKS 2.235.600 KR

Mikilvægt er að koma á samræmdu kerfi útivistarleiða í Eyjafirði. Samstarfsaðilar umsóknarinnar munu vinna að samræmdum merkingum og merkingarkerfi fyrir fjölbreytta útivist á svæðinu. Verkefnið felst í hönnun merkinga og upplýsingaskilta auk þess að merkja útivistarleiðir á svæðinu og tengja þær saman. Verkefninu verður áfangaskipt með það að markmiði að fjölga leiðum í framhaldinu og ná til sem flestra leiða óháð sveitarfélagamörkum.

UMSÆKJANDI: FRÁVIK EHF.

VERKEFNI - HVERNIG GERI ÉG HRÁSKINKU? UPPBYGGING NÁMSKEIÐA Í KJÖTVINNSLU
UPPHÆÐ STYRKS 475.000 KR

Frávik er í vöruþróun með námskeið svo að framboð endurspegli þarfir markaða og að notendur námskeiða geti nýtt þekkinguna til gagns. Eftirspurn hefur verið eftir námskeiðum í hráverkun s.s. spægipylsu- og hráskinkugerð. Slíka kunnáttu þarf að sækja utan landsteinanna og ætla forsvarsmenn Fráviks að afla sér þekkingar á því handverki sem ofangreind vinnsla krefst með því að heimsækja annaðhvort Ítalíu eða Þýskaland.

UMSÆKJANDI: GOBLIN EHF.

VERKEFNI - SKAPANDI SPILAMÍÐSTÖÐ
UPPHÆÐ STYRKS 1.000.000 KR

Spilasalur Goblin auðgar afþreyingar- og menningarflóru Akureyrar með glæsilegri borðspilaaðstöðu og viðburðum þeim tengdum. Viðburðirnir eru fyrst og fremst tengdir spilum sem hvetja til samskipta, samvinnu og hugarþjálfunar og efla sköpunarkraft og félagsfærni.

Kjarninn í starfseminni er áhersla á skjálause samveru. Við teljum mikilvægt að börn og fullorðnir stundi áhugamál sem styrkja félagsleg tengsl og efla skapandi hugsun.

UMSÆKJANDI: HILDUR LEONARDSDÓTTIR

VERKEFNI - GRÍÐUNGR - ÞRÓUN HÚÐVÖRUM ÚR NAUTAFITU OG ÍSLENSKUM JURTUM
UPPHÆÐ STYRKS 1.000.000 KR

Margar snyrtivörur innihalda skaðleg efni sem geta haft áhrif á hormónastarfsemi og jafnvel verið krabbameinsvaldar. Gríðungr ætlar að framleiða krem, sápur og fleira úr náttúrulegum efnum, nautafitu og íslenskum jurtum. Nautafita er frábær næring fyrir húðina, hún hefur svipaða uppbyggingu og húðin okkar og í henni eru mikilvæg vítamín, A-D-E og K2. Hún inniheldur einnig sterínsýru af náttúrunnar hendi en henni er oft bætt í snyrtivörur þar sem hún mýkir og sléttir húðina og gefur henni raka.

UMSÆKJANDI: HULD HAFLIÐADÓTTIR

VERKEFNI - NÁTTÚRA OG NÝSKÖPUN
UPPHÆÐ STYRKS 580.000 KR

Verkefnið býður ungu fólki upp á námsvettvang til þess að greina raunveruleg vandamál og úrlausnarefni í nærumhverfi sínu og náttúru; læra nýjar aðferðir við lausn vandamála; æfa sig í að tjá rödd sína og skoðanir og gera þeim kleift að byggja upp kjarnafærni í STEM greinum sem og mjúka færni eins og teymisvinnu, lausnamiðun, gagnrýna hugsun og umhverfislæsi. Þá er verkefninu ætlað að nýta nýstofnað STEM fræðslunet með því að tengja saman nemendur, skóla, náttúru, vísindafólk og FabLab smiðju.

UMSÆKJANDI: ICELANDIC EIDER EHF.

VERKEFNI - ÞRÓUN FJAÐRATÍNSLUVÉLAR
UPPHÆÐ STYRKS 1.043.750 KR

Verkefnið snýr að því að hanna og þróa nýja fjaðratínsluvél sem notuð er til hreinsunnar á íslenskum æðardúni. Núverandi vélar voru hannaðar á níunda áratug síðustu aldar og hefur engin þróun verið í vélum sem þessum síðan. Með vélinni sem við ætlum að þróa munum við auka afköst fjaðratínslu um 33%, slíta þessari verðmætustu landbúnaðarvöru Íslands minna en einnig ná að nýta þær fjaðrir sem falla til sem fyllingu í kodda og nýta þannig það "rusl" sem fellur til við hreinsun.

UMSÆKJANDI: JÓHANNA ÁSDÍS BALDURSDÓTTIR

VERKEFNI - FILM HÚSAVÍK
UPPHÆÐ STYRKS 800.000 KR

Film Húsavík er framleiðslufyrirtæki á Húsavík sem hefur það að markmiði að fjölga framleiðsluverkefnum í kvikmynda-, auglýsinga-, og dagskrárgerð á Norðausturlandi. Fyrirtækið vinnur nú að því að byggja upp öfluga skrá um tökustaði, innviði vegna þjónustu og fólki í greininni á svæðinu. Norðausturland hefur mikil sóknarfæri í framleiðslu kvikmyndaefnis og hefur það sýnt sig að þau verkefni geta einnig skapað mikil verðmæti fyrir ferðaþjónustuna. Húsavík hefur sérstöðu nú og er verðmætt vörumerki.

UMSÆKJANDI: JT CONSULTING EHF.

VERKEFNI - AFURÐIR ÚR ÚRGANGI
UPPHÆÐ STYRKS 2.500.000 KR

Hjólþörðum, umbúðaplasi og úrgangsolíu verður safnað til framleiðslu á vistvænu eldsneyti. Áhersla verður á eldsneytisframleiðslu fyrir báta og vinnuvélar. Hráfnissöfnun verður skipulögð í samvinnu við sorpsamlög og sveitarfélög, og er sérstaklega horft til sveitarfélaga á Norðurlandi. Úrvinnslan byggir á einkaleyfisverndaðri tæknilausn, og verður vinnsluferlið hannað og útfært í samstarfi við rétthafa tækninnar.

UMSÆKJANDI: MARKAÐSSETNING RAUFARHAFNAR

VERKEFNI - ÁFANGASTAÐURINN BAKKAFFJÖRÐUR
UPPHÆÐ STYRKS 650.000 KR

Verkefnið snýr að því hanna áningarstað við innkomuna austan megin Raufarhafnar. Afraksturinn verður kostnaðar- og verkætlan sem hægt er að nota við styrkumsókn í framkvæmdasjóð ferðamannastaða. Einn af verkefnum er að hanna bæjarkort af Raufarhöfn sem nýta má um ókomna framtíð. Kortið verður handteiknað kort og leitast verður eftir því að fá listamann af Norðausturlandi til að teikna verkið.

UMSÆKJANDI: MARKAÐSSTOFA NORÐURLANDS

VERKEFNI - HÖNNUN Á FUGLASKOÐUNARSKÝLUM VIÐ EYJAFJÖRÐ
UPPHÆÐ STYRKS 1.500.000 KR

Ferðamennska tengd fuglaskoðun er vaxandi grein og þegar hafa nokkur vönduð fuglaskoðunaskýli risið á Norðurlandi. Norska arkitektastofan Biotope hefur komið að þeirri vinnu og hannað skýli sem falla vel að umhverfinu, auk þess sem þau eru gerð til að standast íslenska veðráttu. Með því að taka höndum saman geta fjögur sveitarfélög á Eyjafjarðarsvæðinu notið samlegðaráhrifa, bæði í hönnunarferlinu sjálfu og eins í kynningarstarfi í kjölfarið.

UMSÆKJANDI: MARTIN VARGA

VERKEFNI - ORGANIC FERTILIZER
UPPHÆÐ STYRKS 1.390.000 KR

Fertilizing Icelandic soil is an essential element in various relevant sectors such as food production, agriculture, soil conservation and private gardening.

As this project is based on the circular economy, it aims to utilize available organic resources to develop an eco-friendly high quality fertilizer. The innovation of this project is to focus on local resources (biomass and green energy) to produce an application specific fertilizer which is dry compressed and therefore user-friendly.

UMSÆKJANDI: MAY FLOR PEREZ CAJES

VERKEFNI - SKARFAKÁL ARCTICCIRCLE

UPPHÆÐ STYRKS 1.000.000 KR

Skarfaál ArcticCircle snýst um að nýta og rækta skarfaál. Það er fyrsta flokks hráefni frá náttúrunnar hendi; bragðgott, C-vítamínríkt og græðandi, sem gerir það tilvalið í matargerð og matvælaframleiðslu. Skarfaál ArcticCircle mun þróa og útbúa krydd, pestó, te og hreint salat úr skarfaáli.

UMSÆKJANDI: MÝSILICA EHF.

VERKEFNI - FRAMLEIÐSLA Á STEINEFNARÍKUM HÚÐVÖRUM ÚR SKILJUVAÐNI

UPPHÆÐ STYRKS 1.500.000 KR

MýSilica er að þróa húðvörur unnar úr steinefnaríku skiljuvatni frá Bjarnarflagsvirkjun. Þróuð hefur verið aðferð til að hreinsa skiljuvatnið af óæskilegum þungmálum svo hægt sé að nýta það í húðvörur. Þessi hluti verkefnisins er að koma fyrirtækinu og framleiðslunni á næsta stig. Í því felst þróun á afkastameiri framleiðslubúnaði, en einnig verður gerð markaðsgreining út frá breyttum áherslum og unnið að markaðsetningu varanna og koma þeim á markað.

UMSÆKJANDI: NORTH EAST TRAVEL EHF.

VERKEFNI - VETRARMARKAÐSÁTAK BAKKAFJARÐAR

UPPHÆÐ STYRKS 700.000 KR

Ferðaþjónustutímabilið á Bakkafirði takmarkast nær alfarið við sumarmánuðina og mikilvægt er að stytta lágönnina og ná fram betri nýtingu á henni ef skapa á störf á ársgrundvelli í ferðaþjónustu. Í verkefninu Vetrarmarkaðsátak Bakkafjarðar viljum við taka upp hágæða auglýsingu að vetri til og koma í dreifingu til ferðaþjónustu- og söluaðila um allt land. Við höfum áður unnið svipað efni að sumri til en það áttak heppnaðist vel og fékk gríðarlega umfjöllun á sínum tíma.

UMSÆKJANDI: REIMAR SIGURJÓNSSON

VERKEFNI - SJÓSUNDSKÝLI

UPPHÆÐ STYRKS 500.000 KR

Náttúruleg aðstaða fyrir sjósund er óvíða betri á norðausturhorni landsins en við bæinn Fell í Finnafirði, sunnan undir Langanesi. Sandfjara, rekaviður, smáöldur og tignarlegt Gunnólfsvíkurfjallið ramma inn náttúru svæðisins og dregur til sín þá ferðamenn sem hafa snúið baki við troðnar slóðum. Verkefnið gengur út á að gera aðstöðu fyrir sjósundsfólk til að geta skipt um fót í skjóli, fyrir og eftir góðan sundsprett.

UMSÆKJANDI: SIGÞÓRA BRYNJA KRISTJÁNSDÓTTIR

VERKEFNI - FÝSILEIKAKÖNNUN Á Þ&R VERKEFNI TENGT ÞÖRUNGUM

UPPHÆÐ STYRKS 2.500.000 KR

Verkefnið er rannsóknar og þróunarverkefni tengt þörungum og fýsileikakönnun á því hvort grundvöllur sé til að hefja rannsóknir á þörungum og athuga hvort þeir innihalda ákveðið lífvirkt efni og í kjölfarið að framleiða efnið úr íslenskum þörungum sjálfstætt eða í samstarfi við hráefnisframleiðanda.

UMSÆKJANDI: SKÍÐAFÉLAG ÓLAFSFJARÐAR

VERKEFNI - FJARÐARGANGAN, -HJÓLIÐ OG -HLAUPIÐ

UPPHÆÐ STYRKS 500.000 KR

Skíðafélag Ólafsfjarðar hefur hleypt af stokkunum einstökum þrileik, fyrir gönguskíði, hlaup og utanvegahjólreiðar. Allir geta tekið þátt og skorað á sjálfan sig og haft gaman að. Fjarðargangan sem fer fram á Ólafsfirði í febrúar, Fjarðarhlaupið og Fjarðarhjólið eru haldin að sumri. Styrkurinn verður notaður til að vekja athygli á viðburðunum og um leið er verið að styrkja ímynd staðarins sem áfangastaður.

UMSÆKJANDI: SVARTÁRKOT

VERKEFNI - HULDA - FYRSTU SPORIN
UPPHÆÐ STYRKS 1.300.000 KR

HULDA – náttúruhugvísindasetur er samstarfsvettvangur Svartárkots menningar – náttúru, grasrótarseturs í heimabyggð sem haldið hefur alþjóðleg námskeið og stundað rannsóknir um árabíl, og fyrirhugaðs Rannsóknaseturs Háskóla Íslands og sveitarfélagsins Þingeyjarsveitar. Meginmarkmið HULDU eru að efla rannsóknir og miðlun þekkingar, byggja brú milli heimamanna og fræðimanna og auka aðgengi heimafélks að menntun og framhaldsnámi á háskólastigi, gerð heimasíðu og fræðsluvetvangs fyrir heimamenn.

UMSÆKJANDI: ÞEKKINGARNET ÞINGEYINGA

VERKEFNI - NÝSKÖPUN Á NORÐURLANDI - MARKAÐSSÓKN OG MÖGULEIKAR
UPPHÆÐ STYRKS 1.500.000 KR

Hraðið - miðstöð nýsköpunar, hefur opnað á Húsavík í nýju klasasetri sem nefnist Stéttin. Þar býðst fullbúin aðstaða fyrir frumkvöðla, fyrirtæki og stofnanir til að vinna að nýsköpunartengdum verkefnum. Nú þegar þeim áfanga er náð að fjárfesting í innviðum, búnaði og aðstöðu er lokið er afar brýnt að sækja fram með markaðssókn og ná eyrum fjárfesta, frumkvöðla og fyrirtækja og fá til þátttöku með verkefni sín og hugmyndir í því frjóa samfélagi sem er að skapast á Stéttinni.

UMSÆKJANDI: VIA NOSTRA EHF.

VERKEFNI - VIA NOSTRA - FRÆÐSLUSAMFÉLAG
UPPHÆÐ STYRKS 998.750 KR

Via Nostra stefnir að því að bjóða upp á styrkhæf Erasmus+ námskeið í húsnæði Menntaskólans á Tröllaskaga, þar sem áhersla er lögð á þekkingu, styrkleika og sérkenni kennarasamfélags MTR en í því felst m.a. skapandi verkefnaskil, upplýsingatækni í námi, listkennsla og hvernig hægt er að flétta heimsmarkmið Sameinuðu þjóðanna, sjálfbærni og umhverfisvitund inn í námið. Einnig er stefnt að því að bjóða upp á námskeið sem eru styrkhæf af starfsmenntunarstyrkjum Kennarasambands Íslands.

UMSÆKJANDI: VISTORKA

VERKEFNI - BRAUÐMYLJARINN
UPPHÆÐ STYRKS 475.000 KR

Brauðmýljarinn mylur niður brauð, sem ekki er lengur fýsilegt að selja, niður í duft sem hægt er að nota í staðinn fyrir nýtt hveiti. Þessu dufti er svo hægt að blanda saman við önnur hráefni og notað til baksturs á nýju brauði. Þessi aðferð skilar sér ekki einungis í minni matarsóun, heldur einnig í lægri hráefniskostnaði. Verkefnið felur í sér þróun á uppskriftum á "Hringrásarbrauði" sem og markaðsherferð til að vekja fólk til umhugsunar um matarsóun.

STYRKHAFAR UPPBYGGINGARSJÓÐS NORÐURLANDS EYSTRA 2023

MENNING



UMSÆKJANDI: AÐALHEIÐUR S EYSTEINSDÓTTIR

VERKEFNI - GARÐUR, SKÚLPTÚRGARÐUR VIÐ ALPÝÐUHÚSIÐ Á SIGLUFIRÐI
UPPHÆÐ STYRKS 800.000 KR

Sunnan við Alpýðuhúsið er stórt tún sem tilvalið er að nota fyrir útilistaverk og annað sem gleður andann. Fyrirhugað er að koma fyrir fjórum til fimm útilistaverkum á túninu, skjólsælu setsvæði og jafnvel litlum sullupólum með gosbrunni. Enn sem komið er eru hugmyndirnar ekki fullmótaðar og er meiningin að leyfa garðinum að þróast í hugmyndaferli og vinnu næstu árin.

Nú eru komin tvö verk í garðinn og stefnt að því að koma þriðja verkinu upp í sumar.

UMSÆKJANDI: AKUREYRARBÆR

VERKEFNI - LÁTUM VAÐA! LISTASMIÐJUR FYRIR FJÖLSKYLDUR
UPPHÆÐ STYRKS 350.000 KR

Verkefnið felst í því að bjóða fjölskyldum að taka þátt í vönduðum listasmíðjum á vegum Listasafnsins á Akureyri. Þar fá bæði börn og fullorðnir einstakt tækifæri til að vinna saman undir leiðsögn spennandi listafólks. Áhersla er lögð á að allir taki virkan þátt í sköpunarferlinu og vinni í sameiningu metnaðarfull verk sem sett verða upp á sérstakri sýningu í safnfræðslurými Listasafnsins.

UMSÆKJANDI: AMTSBÓKASAFNIÐ Á AKUREYRI

VERKEFNI - MENNSKA BÓKASAFNIÐ
UPPHÆÐ STYRKS 235.000 KR

Á árinu 2023 stefnir Amtsbókasafnið á Akureyri að því að hafa tvo viðburði þar sem lánaðar eru út mennskar bækur.

Á Mennska bókasafninu gefst tækifæri til þess að spjalla í hálf tíma við einstaklinga sem vinna við ólík störf eða standa frammi fyrir framandi áskorunum.

Dæmi um bókatitla eru: Lögreglupjónn, ADHD, Trans, Femínisti, Flóttamaður, Listamaður, Múslimi og Öryrki.

UMSÆKJANDI: AMTSBÓKASAFNIÐ Á AKUREYRI

VERKEFNI - UNGSKÁLD 2023
UPPHÆÐ STYRKS 800.000 KR

Ungskáldaverkefninu er ætlað að veita ungu fólki á aldrinum 16-25 ára á Norðurlandi eystra tækifæri og hvatningu á sviði skapandi skrifa, stækka tengslanet þeirra, auka sýnileika og líkur á atvinnutækifærum í ritlist. Verkefnið stendur fyrir gjaldfrjálsri ritlistasmiðju undir leiðsögn þekktra rithöfunda, skálda, textasmiða og handritshöfunda, og býður upp á ritlistakvöld, upplestrarviðburði og ritlistakeppni með veglegum peningaverðlaunum.

UMSÆKJANDI: ANNA MARÍA RICHARDSÓTTIR

VERKEFNI - ÓÐ

UPPHÆÐ STYRKS 1.250.000 KR

Óð er kvikmynd í miðlungslengd sem tvinnar saman táknrænt myndmál og gjörningarlist. Myndin byggir á 7 stuttmyndum/senum sem eru allar tengdar sama þema, sem er máttur eldri konunnar – ömmunar. Sagan sækir innblástur í goðsögur mannsins síðustu 4000 ár. Verkinu er ætlað að fanga ævistarf Önnu Richardsdóttur.

UMSÆKJANDI: BERJADAGAR, FÉLAG UM TÓNLISTAHÁTÍÐ

VERKEFNI - BERJADAGAR - TÓNLISTARHÁTÍÐ

UPPHÆÐ STYRKS 800.000 KR

Berjadagar tónlistarhátíð; berjadagar.is, fer fram helgina 3.-6. ágúst 2023 eða um Verslunarmannahelgi. Gestir geta hlýtt á afar fjölbreytta tónleika með frábærum listamönnum; allt frá stórum tónleikum með mörgum listamönnum niður í örtónleika í stofunni heima hjá íbúa Ólafsfjarðar. Kvöldtónleikar verða í Ólafsfjarðarkirkju og Menningarhúsinu Tjarnarborg og notið verður náttúru Ólafsfjarðar með leiðsögn. Listrænn stjórnandi: Ólöf Sigursveinsdóttir.

UMSÆKJANDI: BRYNHILDUR KRISTINSÓTTIR

VERKEFNI - SMÍÐJUR, DANSGJÖRNINGUR OG STUTTMYND

UPPHÆÐ STYRKS 600.000 KR

Í þessu verkefni sameina myndlistarkonan Brynhildur Kristinsdóttir og dansarinn Yuliana Palacios krafta sína í dansgjörningi og stuttmynd. Samhliða verkefninu verða þær með dans- og gjörningasmiðjur fyrir börn. Afrakstur verkefnisins verður sýndur á Akureyrarvöku í tengslum við opnun sýningar Brynhildar í Listasafninu og Boreal Screendance Festival 2023 sem er stuttmyndahátíð á Akureyri sem Yuliana hefur haft umsjón með undanfarin ár.

UMSÆKJANDI: BRYNJA BALDURSDÓTTIR

VERKEFNI - NORTHERN LIGHTS - FANTASTIC FILM FESTIVAL 2023

UPPHÆÐ STYRKS 1.000.000 KR.

Northern Lights Fantastic Film Festival er ný árleg kvikmyndahátíð með vöggju á Akureyri. Hátíðin sýnir um 48 stuttmyndir en auk kvikmyndasýninga verða haldnir viðburðir fyrir kvikmyndagerðarfólk með það markmið að hvetja höfundu kvikmyndaverka til að sækja innblástur í íslenskan þjóðsagnaarf. Ýmsir fjölbreyttir viðburðir verða einnig haldnir samhliða hátíðinni og munu ungir sem aldnir geta tekið þátt og sótt viðburði hátíðarinnar.

UMSÆKJANDI: DANIELE BASINI

VERKEFNI - BORNEO

UPPHÆÐ STYRKS 600.000 KR

"Borneo" er verkefni þar sem hljóðin úr regnskógi og lifandi tónlistarflutningur mynda eina heild.

UMSÆKJANDI: ESPERANZA Y. PALACIOS FIGUEROA

VERKEFNI - BOREAL SCREENDANCE FESTIVAL 2023

UPPHÆÐ STYRKS 1.000.000 KR.

Boreal er alþjóðleg hátíð tileinkuð dansmyndum sem haldin er á Akureyri. Fyrsta útgáfa hennar fór fram í nóvember 2020 í Mjólkurbúðinni í Listagilinu. Hátíðin skapar sviðspall til kynningar á vídeódansverkum með markmiðið að skeyta saman inn- og erlendu listafólki, byggja brýr og hvetja til samstarfs. Þriðja útgáfa Boreal var haldin 11. - 17. nóvember 2022. Í ár verður Boreal haldin 10. - 26. nóvember í Listagilinu, meðal annars í Listasafninu á Akureyri og Mjólkurbúðinni.

UMSÆKJANDI: FJALLASALIR SES.

VERKEFNI - LISTVIÐBURÐIR Í PÁLSHÚSI 2023

UPPHÆÐ STYRKS 1.000.000 KR

Þann 3. júní mun Birgir Snæbjörn Birgisson opna sýningu í Pálshúsi en einnig verður opnuð ný fastasýning í kjallara hússins sem hefur vinnuheitið Undraveröld Pálshúss. Þann 1. júlí opnar Wiola Ujazdowska sýningu en hún vinnur á mörkum félagslegrar myndlistar.

Í tengslum við Berjadaga verður opnuð sýning á verkum Seans Patricks O'Brien en hann hefur tekið þátt í ýmsum verkefnum víðsvegar um heiminn og verið mjög sýnilegur þátttakandi í íslenskri myndlistarsenu síðustu ár.

UMSÆKJANDI: FLYGILVINIR - TÓNLISTAFÉLAG VIÐ ÖXAFJÖRD

VERKEFNI - FLYGILVINIR FREISTAST TIL AÐ HALDA ÁFRAM

UPPHÆÐ STYRKS 475.000 KR

Verkefninu "Flygilvinir freistast til að halda áfram" er ætlað að höfða til íbúa og veita þeim ánægjustundir við tónleikahald á vegum Flygilvina-tónlistarfélags við Öxarfjörð.

Markmið verkefnisins er að standa fyrir þremur viðburðum, fá framúrskarandi tónlistarfólk til að miðla íbúum Öxarfjarðarhéraðs af list sinni. Íbúarnir geta þannig öðlast innsýn í agnarsmátt brot af þeim töfraheimi tónlistar sem standur íbúum höfuðborgarsvæðis og stærstu þéttbýliskjarnanna til boða.

UMSÆKJANDI: GÚSTAV GEIR BOLLASON

VERKEFNI - SKUGGALÍNAN

UPPHÆÐ STYRKS 1.500.000 KR

Myndræn og hljóðræn athugun á hafinu og umhverfi þess en einnig skráning á hratt hverfandi strandminjum. Þorp eða bæir sem að hafa lagst í eyði, ekki ýkja gamlar rústir en ört hnignandi vegna ágangs veðurs og sjávar. Í myndinni verður leitast við að sýna lífið, á og undir yfirborði hafflatarins: dýr og gróður. Einnig mun verkið byggja á portret myndum af fólki sem að segir frá eigin röddu: lífsreynslu, minningum, athugunum eða sögum. Tilraun með heimildamyndaformið og óhefðbundin hljóðfæri.

UMSÆKJANDI: HÆLIÐ EHF.

VERKEFNI - SULTUPLÁSTUR

UPPHÆÐ STYRKS 800.000 KR

Sultuplástur er heiti á fræðsluheimsóknum á HÆLIÐ fyrir 6. bekkinga á Norðurlandi eystra. Á HÆLINU er búið að setja upp áhrifaríka sýningu um sögu berklanna á Íslandi og nú viljum við leyfa 6. bekkingum að njóta. Í vor tókum við á móti 400 6. bekkingum frá Akureyri og nærsveitum í 90 mínútna heimsókn þar sem þeir fóru í hópeflisleiki, skógargöngu og í leiðsögn um sýninguna. Nú viljum við bjóða öllum grunnskólum í landshlutanum í heimsókn.

UMSÆKJANDI: HEIMSKAUTSGERÐI Á RAUFARHÖFN

VERKEFNI - UNDIRBÚNINGUR FYRIR HEIMSKAUTSTÓNLEIKA

UPPHÆÐ STYRKS 909.500 KR

Raufarhöfn er lítið sjávarþorp sem hugsar stórt. Verkefnið snýr að því að undirbúa og skipuleggja stórtónleika sem halda á í Heimskautsgerðinu með hljómsveitinni Skálmöld. Viðburður sem þessi hefði gríðarleg áhrif á svæðið allt austan Húsavíkur. Ávinningur slíks verkefnis yrði efnahagslegur og samfélagslegur, auk þess að hafa gríðarlegt menningarlegt gildi. Ráða þarf verkefnisstjóra til að sjá um allan undirbúning og skipulag, útfæra hvernig best sé að taka á móti slíkum fjölda í samvinnu við íbúa.

UMSÆKJANDI: HOLLVINASAMTÖK GRUNNSKÓLANS Á KÓPASKERI

VERKEFNI - TÍMAHYLKIÐ ROFIÐ

UPPHÆÐ STYRKS 1.600.000 KR

Grunnskólinn á Kópaskeri var tilraunaskóli þar sem kennsluhættir voru afar frábrugðnir því sem tíðkaðist á níunda áratug síðustu aldar. Skólinn þróaði uppeldis- og kennsluhætti þar sem lykilhugtökin frelsi, ábyrgð og traust voru kjarninn. Með aðstoð Uppbyggingarsjóðs NE og velunnara skólans er unnið að heimildamynd sem sýnir þessi sérkenni skólans og skólastarf sem ýmsir helstu menntafrömuðir landsins telja eiga brýnt erindi við samtímann, í ljósi mikillar umræðu um menntastefnu til framtíðar.

UMSÆKJANDI: HVALASAFNIÐ Á HÚSAVÍK SES.

VERKEFNI - OCEAN FILMS HÚSAVÍK

UPPHÆÐ STYRKS 465.650 KR

Ocean Films Húsavík er alþjóðleg kvikmyndahátíð sem fer fram í Hvalasafninu á Húsavík í ágúst ár hvert. Nú er komið að þriðju hátíðinni sem vex og verður veglegri með hverju árinu sem líður. Allar myndirnar sem valdar eru til þátttöku á hátíðinni eiga það sameiginlegt að fjalla á einn eða annan hátt um hafið. Myndunum er skipt í alþjóðlegan-, norrænan- og nemenda flokk og eru veitt verðlaun fyrir bestu myndina í fullri lengd og bestu stuttmyndina í hverjum flokki.

UMSÆKJANDI: JÓN HAUKESSON

VERKEFNI - MANNFÓLKIÐ BREYTTIST Í SLÍM

UPPHÆÐ STYRKS 1.000.000 KR

Mannfólkið breytist í slím er óhagnaðarfríð menningarverkefni í formi tónleikaraðar sem nær hámarki með tónlistarhátíð 28. & 29. júlí 2023. Hátíðin hefur verið haldin árlega síðan 2018. Helsta markmið verkefnisins er að auðga menningarlífið norðan heiða með því skapa sterka hefð fyrir metnaðarfullri tónlistarhátíð á Akureyri skipulagðri af listafólki sumar hvert með sérstaka áherslu á frumsköpun og listafólk úr héraði.

UMSÆKJANDI: KÓR RAUFARHAFNARKIRKJU

VERKEFNI - NORÐURHJARAKÓRAMÓT

UPPHÆÐ STYRKS 500.000 KR

Verkefnið er ætlað að efla kórastarf á svæðinu frá Kelduhverfi til Bakkafjarðar með það að leiðarljósi að efla og fjölga í kórnum öllum. Haldin verður vinnuhelgi/æfingabúðir þar sem gamlir og nýir kórfélagar hittast og vinna saman að liðsheild og æfa.

UMSÆKJANDI: LAUMULISTASAMSTEYPA, FÉLAGASAMTÖK

VERKEFNI - LAUMULISTASAMSTEYPA

UPPHÆÐ STYRKS 750.000 KR

Alþjóðlega gestavinnustofan Laumulistasamsteypa býður listamönnum til Hríseyjar í ágúst í áttunda sinn. 12 listamönnum er boðið að vinna skapandi samvinnuverkefni í 10 daga og fá þau gistingu og vinnuaðstöðu. Hópurinn notar nærumhverfi staðsetningar sinnar í Hrísey sem innblástur fyrir skapandi vinnu og í lok dvalarinnar stendur samsteypa fyrir opnu húsi með upptöku fyrir íbúa Hríseyjar.

UMSÆKJANDI: MENNINGARMÍÐSTÖÐ ÞINGEYINGA

VERKEFNI - MÁNÁRDÝRIÐ - SAMTAL MANNS OG NÁTTÚRU Í HÉRAÐI

UPPHÆÐ STYRKS 800.000 KR

Mánárdýrið er geymd og gleymd heimild um sýn ungs drengs í Norður-Þingeyjarsýslu sem sér hauslausa, kúlulaga sæskrímsli með hala í flæðarmálinu við Mánárbakka. Heimildir um dýrið, ásamt teiknaðri mynd, er að finna í sendibréfi frá 1907, sem varðveitt er í Hérðasskjalasafni Þingeyinga. Með því að þrívíddarprenta dýrið og framsetja með frásögn, verður til nýtt samtal manns og náttúru í byggðasýningunni "Mannlíf og náttúra - 100 ár í Þingeyjarsýslum", sem miðlað verður þannig áfram til kynslóðanna.

UMSÆKJANDI: MINJASAFNIÐ Á AKUREYRI

VERKEFNI - SKÁLDASTUNDIR Í DAVÍÐSHÚSI - LITLA LJÓÐAHÁTÍÐIN

UPPHÆÐ STYRKS 800.000 KR

Í Davíðshúsi, heimili skáldsins frá Fagraskógi, verður boðið upp á vettvang fyrir bókmenntaviðburði. Höfundar af svæðinu í bland við landsþekkta listamenn á sviði ljóðlistar, bókmennta og leiklistar er boðið að heimsækja Davíðshús, flytja eigið efni og segja frá hvernig þeirra sköpun fer fram. Sérstaklega verður leitast við að bjóða ungum skáldum á Norðausturlandi að stíga fram til að kynna sig og verk sín. Skáldastundir í Davíðshúsi verða allt árið en hápunkturinn er Litla-Ljóðahátíðin.

MENNING

UMSÆKJANDI: NÁTTÚRUSTOFA NORÐAUSTURLANDS

VERKEFNI - COFFEE SCIENCE
UPPHÆÐ STYRKS 500.000 KR

Six researchers will be invited to come to Raufarhöfn to give a talk on their projects in areas such as sociology, ecology, biodiversity, and impacts of invasive marine species, encouraging the exchange of ideas and engaging the local inhabitants in the discussion. This interaction between researchers and inhabitants will increase the understanding of the importance of the region's unique ecosystems for the society and local biodiversity and may lead to the biodiversity.

UMSÆKJANDI: NORÐURÞING

VERKEFNI - SAMFÉLAGS- OG MENNINGARHÚS Á KÓPASKERI
UPPHÆÐ STYRKS 800.000 KR

Unnið er að stofnun öflugs samfélags- og menningarhúss í skólahúsinu á Kópaskeri. Þar er stefnt á að verði skrifstofurými fyrir störf án staðsetningar, Skjálftasetur, bókasafn, upplýsingamiðstöð, mögulega steinasafn í eigu Guðmundar Benediktssonar, aðstaða fyrir félagsstarf barna, kóræfinga, námskeiða- og tónleikahald o.fl. Verkefnið hefur verið í ferli undanfarin þrjú ár.

UMSÆKJANDI: PETREA ÓSKARSDÓTTIR

VERKEFNI - WINDWORKS Í NORÐRI 2023
UPPHÆÐ STYRKS 1.500.000 KR

Verkefnið snýr að því að halda tónlistarhátíðina „WindWorks í Norðri 2023“. Tónlistarhátíðin er helguð blásturshljóðfærum og fara tónleikarnir allir fram á mismundandi söfnum á Norðurlandi. Eftir mjög vel heppnaða hátíð síðastliðið sumar var ákveðið að þróa hátíðina með því að hafa staðartónskáld næsta sumar og þá að sjálfsögðu frá Norðurlandi. Nú þegar hefur Daníel Þorsteinsson píanóleikari og tónskáld samþykkt að verða staðartónskáld hátíðarinnar.

UMSÆKJANDI: SALAS STÚDÍÓ EHF.

VERKEFNI - MIÐGARÐAKIRKJA
UPPHÆÐ STYRKS 1.500.000 KR

This film documents the rebuilding of the Miðgarðakirkja church in Grimsey over a period of one year. It will also show the islanders' daily life at work and at play. Stories and anecdotes interlace throughout the film. Using archive material interwoven with modern life, documents from many different eras are read as voice-overs by actors, creating a poetic impression of the past and present.

UMSÆKJANDI: SESSELÍA ÓLAFSDÓTTIR

VERKEFNI - MÓÐIR, KONA, MEYJA
UPPHÆÐ STYRKS 1.000.000 KR

Móðir, kona, meyja er fræðandi tónlistaruppistand sem fjallar um kvenleika og konur í nútíma og fortíð. Verkið mun á einlægan og hómorískan hátt fjalla um allt frá staðalímyndum, níðvísum og gervinöglum til #metoo, andlegra áfalla og ofbeldis sem konur hafa orðið fyrir í gegnum tíðina. Rauður þráður verksins verður speglun á sögum skáldkvenna fyrri tíma og kvenna í dag og það sem tengir nútíð og fortíð saman eru ný lög, samin bæði við valin ljóð þessara kvenna og frumsamin ljóð.

UMSÆKJANDI: SESSELÍA ÓLAFSDÓTTIR

VERKEFNI - LIST GETUR LIST
UPPHÆÐ STYRKS 1.000.000 KR

Velkomin á 5 fyrirlestra um list. Hver fyrirlestur er með ólíku sniði, þar sem allt listafólkið nálgast list á ólíkan hátt. Viðburðirnir fjalla því um ritlist, hljómlist, hreyfilist og tvívíða og þrívíða myndlist. Þegar öllum fyrirlestrum er lokið verður svo sameiginleg listasýning þar sem allir listamennirnir sýna verk innblásin af fyrirlestrum tímabilsins.

UMSÆKJANDI: SÍLDARMINJASAFN ÍSLANDS SES.

VERKEFNI - VARÐVEISLA VERKÞEKKINGAR - BÁTASMÍÐANÁMSKEIÐ
UPPHÆÐ STYRKS 500.000 KR

Bátasmíðanámskeið Síldarminjasafns Íslands á Siglufirði miða að því að skapa vettvang og tækifæri til að miðla verkþekkingu við bátasmíði og viðgerðir súðbyrtra báta, en handverkið við smíði slíkra báta var samþykkt á heimsminjaskrá UNESCO yfir óáþreifanlegan menningararf árið 2021. Námskeiðið er einstakt á landsvísu, og með slíkum námskeiðum er unnið að því að standa vörð um forna þekkingu á smíði opinna tréskipa á Íslandi og að veita fágæta fræðslu um bátasmíði og viðgerðir súðbyrðinga.

UMSÆKJANDI: STEINUNN ARNBJÖRG STEFÁNSDÓTTIR

VERKEFNI - TÓLF TÓNA KORTÉRIÐ 2023
UPPHÆÐ STYRKS 1.000.000 KR

TÓLF TÓNA KORTÉRIÐ er norðlensk tilraunasena í tónlist, sex tónleika röð á Listasafninu á Akureyri. Nýsmíðar og tóntilraunir eru aðal tónleikaraðarinnar. Tónlist mætir myndlist, og fólk á öllum aldri og úr öllum áttum hittist: Gott listasafnsfjör á laugardögum!

UMSÆKJANDI: ÞJÓÐLAGAHÁTÍÐ Á SIGLUFIRÐI

VERKEFNI - ÞJÓÐLAGAHÁTÍÐIN Á SIGLUFIRÐI 5.-9. JÚLÍ 2023
UPPHÆÐ STYRKS 1.100.000 KR

Árlega er haldin þjóðlagahátíð á Siglufirði sem hefur það að markmiði að kynna þjóðlagaarf ólíkra þjóða og þjóðarbrota. Á hátíðinni hefur margskonar tónlist verið kynnt auk þess sem íslensk þjóðlög sitja ætíð í öndvegi. Þjóðlagahátíðin stendur frá miðvikudegi til sunnudags fyrstu heilu vikuna í júlí ár hvert. Auk tónleika er boðið upp á námskeið fyrir börn og fullorðna og þjóðlagaakademía stendur í þrjá daga með fyrirlestrum um íslenskan þjóðlagaarf og tónlist annarra þjóða.

UMSÆKJANDI: ÞÓRHILDUR ÖRVARSDÓTTIR

VERKEFNI - ÁLFAR, TRÖLL OG AÐRIR GESTIR
UPPHÆÐ STYRKS 600.000 KR

Álfar og tröll er tónleikadagskrá þar sem Þórhildur Örvarsdóttir söngkona og Helga Kvam píanóleikari leita í sagnarfinn og flétta saman dagskrá í tali og tónum sem byggist á þjóðtrú okkar Íslendinga með aðstoð góðra gesta. Spuninn verður fræðandi ævintýravefur þar sem ungir sem aldnir fá að njóta frásagna af íslenskum annars heims verum. Dagskráin mun ná til breiðs hóps áheyrenda þar sem dálæti fólks á þjóðsögum er ekki bundin við aldur, kyn eða þjóðerni.

UMSÆKJANDI: UMSKIPTINGAR EHF.

VERKEFNI - TÖFRABÆKURNAR
UPPHÆÐ STYRKS 1.500.000 KR

Töfrabókin er brúðusýning fyrir börn þar sem Töfrabókin opnast og upp spretta þjóðsögur sem lifna við í gegnum einfaldar brúður. Sögumennirnir tveir opna bókina með töfrum sínum, segja söguna, spila og syngja tónlistina og ljá brúðunum líf og leikræna tilburði.

UMSÆKJANDI: VILHJÁLMUR BERGMANN BRAGASON

VERKEFNI - MANNANAFNAHEFND
UPPHÆÐ STYRKS 1.000.000 KR

Mannanafnahefnd er ögrandi og óbærilega fyndið nýtt leikverk sem talar beint inn í íslenskan samtíma. Verkið er hugleiðing um slaufunarmenningu, stöðnun og það hvernig þörfin fyrir nýtt blóð kallar beinlínis á að því gamla sé úthellt. Leikhópurinn SingleEnsemble kveður sér hljóðs á frumlegan og flugbeittan hátt með nýju íslensku leikverki úr eigin smíðju. Nær allir leikararnir hafa starfað fyrir LA, en leiða nú saman hesta sína undir þessum formerkjum í fyrsta sinn

STYRKHAFAR ÚR UPPBYGGINGARSJÓÐI NORÐURLANDS EYSTRA 2023

STOFN- OG REKSTRARSTYRKIR



UMSÆKJANDI: ALÞÝÐUHÚSIÐ Á SIGLUFIRÐI, FÉLAGASAMTÖK

VERKEFNI - MENNINGARDAGSKRÁ Í ALÞÝÐUHÚSINU

UPPHÆÐ STYRKS 1.670.000 KR

Alþýðuhúsið á Siglufirði stendur fyrir margbættri menningardagskrá meirihluta árs með sýningum í Kompunni, tónleikum í salnum og fleiri viðburðum. Sunnudagskaffi með skapandi fólki í alrými hússins, listasmíðjum, fjöllistasýningu, fyrirlestrum og þremur stórum listahátíðum sem nefnast Leysingar, Frjó og Skafl. Alla jafna eru þrír listviðburðir í mánuði frá apríl til jóla, allt frá eins dags viðburðum til viku langrar listahátíðar.

UMSÆKJANDI: FÉLAG UM LJÓÐASETUR ÍSLANDS

VERKEFNI - REKSTUR LJÓÐASETURS ÍSLANDS

UPPHÆÐ STYRKS 1.000.000 KR

Markmiðið með Ljóðasetri Íslands er að kynna íslenska ljóðlist fyrir innlendum sem erlendum gestum með lifandi hætti og gera komandi kynslóðir meðvitaðar um mikilvægi ljóðsins í menningu okkar og sögu. Ljóðasetrið hefur verið starfrækt síðan 2011. Það er opið yfir sumartímann en á öðrum tímum er tekið á móti hópum með fræðslu, ljóðalestri og söng og viðburðir haldnir.

UMSÆKJANDI: FÉLAG UM ÞJÓÐLAGASETUR BJ.ÞORST

VERKEFNI - REKSTUR ÞJÓÐLAGASETURSINS Á SIGLUFIRÐI

UPPHÆÐ STYRKS 500.000 KR

Þjóðlagasetrið á Siglufirði er í Maðdömuhúsi þar sem Bjarni Þorsteinssonar þjóðlagasafnari, prestur og tónskáld bjó fyrstu 10 árin eftir að hann kom til Siglufjarðar. Í setrinu má fræðast um margvísleg afbrigði íslenskra þjóðlaga, svo sem kvæðalög, sálma og druslur, barnagælur og þulur auk almennra þjóðlaga. Þar má einnig sjá forn hljóðfæri á borð við langspil og íslenska fiðlu og sérstök hljóðfæri eru ætluð gestum til að prófa. Starfsmaður seturs syngur einnig þjóðlög fyrir gesti.

UMSÆKJANDI: FLÓRA MENNINGARHÚS EHF.

VERKEFNI - MENNINGARHÚS Í SIGURHÆÐUM
UPPHÆÐ STYRKS 1.000.000 KR

Menningarhús í Sigurhæðum er vettvangur samtals um lífsleiðir, verk og vinnuaðferðir listafólks og frumgneista í samfélagsþróun í nútíð og fortíð, með frumábúendum staðarins að fyrirmynd, Guðrúnu Runólfs og Matthías Jochumsson. Gerð eru fersk bókverk og listaverk, og líka innsetningar í heildarsýningu á aðalhöð staðarins, haldnir viðburðir víða um land, vinnustofur starfræktar, menningararfur varðveittur og honum miðlað. Flæði er milli ólíkra listamanna, stofnanna, staða, landssvæða og tíma.

UMSÆKJANDI: FRÆÐAFÉLAG UM FORYSTUFÉ

VERKEFNI - FRÆÐASETUR UM FORYSTUFÉ
UPPHÆÐ STYRKS 750.000 KR

Forystufé er einstakur stofn á heimsvísu, hvergi til annars staðar en hér á landi. Hreinræktaðir einstaklingar eru um 1.300 og er stofninn undir þeim mörkum sem kallast í útrýmingarhættu. Forystufé er ein af arfleifð þjóðarinnar og ber okkur að vernda hann. Fræðasetur um forystufé er málsvári forystufjár, þar er safnað saman þeim upplýsingum sem til eru um forystufé, að tilstuðlan þess er unnið að rannsóknum á forystufé og kynningar á því.

UMSÆKJANDI: HÆLIÐ EHF.

VERKEFNI - REKSTRARSTYRKUR
UPPHÆÐ STYRKS 1.000.00 KR

HÆLIÐ setur um sögu berklanna er áfangastaður í þróun. Áhrifarík sýning, einstök á heimsvísu, um sjúkdóm sem legið hefur í þagnargildi og lætur engan ósnortin. Nýjasta viðbótin er Svanhildarstofa í minningu móður Ólafs Ragnars Grímssonar. Unnið er að því að tengja setrið betur við skólakerfið og er 6. bekkingum boðið í heimsókn undir yfirskrifitinni Sultuplástur. Einnig eru haldin bókakvöld, tónleikar, opnar dyr og aðrar upptakomur. Verkefnið snýr að því að markaðssetja HÆLIÐ betur og lengja opnun.

UMSÆKJANDI: HEIMSENDI - MENNINGARFÉLAG ÓSKARSSTÖÐ

VERKEFNI - ÓSKARBRAGGI STAÐARPRÝÐI
UPPHÆÐ STYRKS 1.000.000 KR

Síldarverbúðinni-bragganum Óskarsstöð hefur í gegnum þetta verkefni verið forðað frá þeirri glötun sem nærri lá og gert upp, enn vantar þó lítilræði á að húsið sé frá gengið. Í Óskarsstöð fer fram menningarstarfsemi, listamiðstöð, sem þjónar bæði heimamönnum og heiminum. Hentar öllum sem hafa ástríðu og neista fyrir náttúrunni, lífinu og listinni. Fólk þyrstir í að vita, læra og reyna og hér gefst kostur á því.

UMSÆKJANDI: KAKTUS, MENNINGARFÉLAG

VERKEFNI - KAKTUS, LISTA OG MENNINGARRÝMI
UPPHÆÐ STYRKS 1.500.000 KR

Kaktus er listhópur sem rekur eigið listarými á Akureyri. Tilgangur Kaktuss er að bjóða upp á fjölbreytta menningarstarfsemi úr hinum ýmsu listgreinum og styðja við grasrót lista og menningar á Akureyri. Frá því í apríl 2015 hefur Kaktus staðið að og hýst á fjórða hundrað listviðburða af fjölbreyttum toga. Listamenn víðsvegar af landinu sem og erlendis frá hafa haldið sýningar, tónleika og staðið fyrir margbreyttri listsköpun undir merkjum Kaktusar og ungir listamenn stigið þar sín fyrstu spor.

UMSÆKJANDI: LANGANESBYGGÐ

VERKEFNI - MENNINGARSTARF Í BEITUSKÚRUNUM
UPPHÆÐ STYRKS 1.500.000 KR

Röstin gestavinnustofa og Langanesbyggð halda áfram samstarfi sínu við mótun stefnu á menningarstarfsemi sem fyrirhuguð er í gömlu beituskúrunum á Þórshöfn. Beituskúrarnir eru með elstu byggingum á Þórshöfn og lengi hefur staðið til að gera húsið upp, en verið er að stíga fyrstu skrefin í þá átt. Þetta er stór liður í nýrri menningarstefnu sveitarfélagsins og mun breyta töluvert ásýnd bæjarins og möguleikum í menningarstarfsemi á svæðinu.

UMSÆKJANDI: LISTAHÓPURINN RÖSK

VERKEFNI - LISTAHÓPURINN RÖST
UPPHÆÐ STYRKS 600.000 KR

Sérstaða RÖSK RÝMI og starfsins er sú að rýmið er vel til þess fallið að halda uppi grasrótarstarfi, kynningum, námskeiðum, listasmiðjum og sýningum af öllu tagi. Sýnileiki inn um glugga gerir það að verkum að hægt er að sjá sýningar í RÖSK RÝMI á öllum tímum. Einnig býður vinnuaðstaða RÖSK upp á að gestalistamenn, innlendir sem erlendir sem kynni starf sitt. Starfssemin í RÖSK RÝMI er sýnileg og gestir velkomnir þegar listamenn eru að störfum.

UMSÆKJANDI: MYNDLISTAFÉLAGIÐ

VERKEFNI - MJÓLKURBÚÐIN
UPPHÆÐ STYRKS 600.000 KR

Myndlistarfélagið er til húsa í Mjólkurbúðinni í Listagilinu á Akureyri. Þar stendur félagið fyrir sýningum á verkum félagsmanna og annarra allt árið um kring og tekur þar að auki þátt í öðrum listviðburðum og bæjarhátíðum. Með þessari miklu starfsemi í Listagilinu leggur félagið sitt af mörkum til að efla menningarlegan fjölbreytileika Norðurlands. Félagið er samstarfsvettvangur myndlistarmanna og málsvari þeirra. Félagið hefur á stefnu sinni að efla umræðu og fræðslu um myndlist á svæðinu.

UMSÆKJANDI: VERKSMIÐJAN Á HJALTEYRI

VERKEFNI - VIÐBURÐA OG SÝNINGARDAGSKRÁ 2023
UPPHÆÐ STYRKS 2.500.000 KR

Verksmiðjan stendur fyrir lifandi listastarfsemi með þá sérstöðu að vera hvort tveggja í senn verkefnarými þar sem að listin verður til, og um leið áhugaverður sýningarstaður. Hún gerir listafólki kleift að bæði framleiða og sýna verk í skapandi rými um leið og hún færir aftur líf í einstaka byggingu. Listin er flutt úr stað af hinum hefðbundna sýningarstað, út í náttúruna og inn í óvenjulegt hús. Það má segja að þarna renni saman: listin, öðruvísi arkitektúr, saga, samfélag og fallett umhverfi.

UPPBYGGING TIL FRAMTÍÐAR

Komið er nýtt ár, við erum stigin upp úr heimsfaraldi og loksins ætluðum við að koma saman og fagna saman í persónu. En við búum enn á eyju í Atlantshafi þar sem veður og vindar geta sannarlegt sett strík í reikninginn og það gerðist vissulega í ár. Úthlutunarhátíðin okkar í ár átti að fara fram á Svalbarðsstönd en var snarlega flutt yfir í netheima þegar gul viðvörðun var gefin út. En við vildum ekki bíða lengur með að segja frá þeim frábæru verkefnum sem fengu styrk í ár.

Uppbyggingarsjóður er samkeppnissjóður sem hefur það hlutverk að styrkja verkefni sem falla að Sóknaráætlun okkar hér á Norðurlandi, en í sóknaráætlunum landshlutanna felst stefnumótun hvers landshluta til framtíðar.

Þau verkefni sem fá styrk í ár endurspeгла áherslur Sóknaráætlunar Norðurlands eystra sem eru atvinnu- og nýsköpun, menning og umhverfi. Núverandi sóknaráætlun gildir til 2024 svo það stýttist í endurskoðun og vona ég að sem flest taka þátt í því með okkur að móta nýja stefnu þegar þar að kemur, en mikilvægt er að sem flestir komi að mótun stefnunnar. Ef þið hafið ekki kynnt ykkur stefnuna nú þegar þá hvet ég ykkur til að gera það inn á heimasíðu SSNE, ssne.is.

Fyrir þau sem ekki þekkja starfsemi SSNE, samtaka sveitarfélaga og atvinnuþróunar á Norðurlandi eystra, hvet ég ykkur til að kíkja á heimasíðuna og kynna ykkur starfsemi samtakanna, en auk almennra upplýsinga um starfsemina má fylgjast með því sem efst er á baugi hjá samtökunum hverju sinni, finna upplýsingar um umsóknarfresti í aðra sjóði, og margt fleira gagnlegt, ekki síst fyrir frumkvöðla á hvaða sviði sem er.

Í ár er níunda árið sem við veitum styrki úr Uppbyggingarsjóði Norðurlands eystra. Það er virkilega gleðilegt og hvetjandi að fylgjast með öllu þessa öfluga fólki sem er að fá styrki í ár. Það er dýrmætt að vita til þess að sjóðurinn geti aðstoðað einstaklinga við að fylgja verkefnum úr hlaði, landshlutanum og samfélaginu öllu til heilla.

Ég vil einnig nýta tækifærið til að þakka sérstaklega úthlutunarnefnd Uppbyggingarsjóðs Norðurlands eystra, sem og starfsfólki SSNE sem heldur utan um verkefni sjóðsins. Þetta er ekki einfalt starf, en virkilega mikilvægt að vel sé að verki staðið og hafa þau öll staðið sig sérstaklega vel.

Í ár var tekin sú ákvörðun að afhenda ekki styrkþegum afskornar rósið líkt og áður hefur verið gert heldur var sú ákvörðun tekin að styrkja Skógræktarfélag Svalbarðsstrandar til þess að gróðursetja í trjálundi við skólann í Svalbarðsstrandarhreppi. Þar munu vonandi sprotar vaxa upp og verða að skógi, líkt og við vonumst til þess að verkefni þau sem hér fá úthlutað fjármagni í dag muni gera sömuleiðis og styrki þar með atvinnulíf og menningu á Norðurlandi eystra til framtíðar.



LÁRA HALLDÓRA EIRÍKSDÓTTIR,
Formaður stjórnar SSNE

UPPBYGGINGARSJÓÐUR NORÐURLANDS EYSTRA 2023